

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 37 zenbakia. 1999ko maiatzaren 14a.

Hauteskundeetarako prest

EAJ eta EHren artean erabakiko da alkate berria


Datozen lau urteetan Antzuolako udal batzordea osatzeko zerrendak atera dituzte dagoeneko herrian aurkeztuko diren lau alderdi politikoek. Hasiera batean EAJ eta EA batera jokatotan ziren arren, azken orduko ikamikak tarteko, alderdi bakoitzak bere zerrenda aurkeztuko du ekainaren 13ko hauteskundeetan. Eusko Alderdi Jeltzetik Jose Angel Zabalo "Txarron" da zerrendaburu. Euskal Herritarrok taldetik Mireia Unamuno, Eusko Alkartasunatik Jose Ignazio Madariaga "Piti" eta PSE-tik, berriz, Juan Benitez.

Lau alderdiek zoru industrialaren beharra eta etxebizitzak bultzatu beharra azpimarratzen dituzte euren hauteskunde programetan. Horrez gain, gazteen parte hartzea bultzatu nahi du EHk eta EAK, berriz, langabezia gutxitu nahian Udala eta herriko enpresen arteko elkarlana.

Guk bost galdera egin dizkiegu lau alderdi horietako Izerrendagaiei:

Zerrendagaiei galderak

1. Zergatik aurkeztu zarete hauteskundeetara?
2. Zein izango da zuen lehenengo eginkizuna?
3. Zerrenda osatzeak lan hañdia eman dizue?
4. Nola geldituko da udal gobernu berria?



Iazko urrian egindako Euskal Autonomi Erkidegoko hauteskundeak.

EAJ Jose Angel Zabalo

1. "Hauteskudeetan parte hartzea proposatu zidatenean, herriaren alde lan egitea merezi zuela eta aurrera egitea erabaki nuen". Baina jeltzaleei baldintza bat ezarri zien Jose Angel Zabalo: zerrenda berak osatzea, beti ere EAJ eta EA bat etorri gero. Azkenean, ordea, "EAK alderdi bezala bere eskubidea daukala, aurreko hauteskundeetan zinegotzi bat atera zuela eta hirugarren zerrendagaia EAKo kidea izan behar zela eta... Oraindik siglak ditugu buruan eta horrela pentsatzen dugun bitartean arazoak izango ditugu. Zerrenda bat eta bakarra egin beharko litzateke".


2. "Helburu nagusia industriarako lurrak lortzea litzateke, baina bost lan arlo nagusi ditugu. Enpresa batek herritik alde egitea ezin dugu onartu. Etxebizitzan proiektua bultzatu arren, marko baten barruan egin behar da. Plan orokor bat landu behar da, non eta nola lan egin behar den jakiteko. Orain egingo diren etxeen proiektuan esaterako, enpresa bat etxeetatik oso gertu gelditzen da eta bizi-kalitatearen aurka doa hori. Enpresa hori hortik atera egin beharko litzateke eta horretarako lehenengo lurra lortu behar da, finantziario bidez".

3. "Guk lanerako talde bat osatu dugu. Ez dut onartzen halako trabak jartzea.

UDAL HAUTESKUNDEAK

Lan egiteko orduan, pertsonal arloan, enpresa egitura bat egin beharko litzateke eta horren arabera pertsonal arloan Jose Luis Kortabarriarekin batera lan egingo dut. Hirigintzan, Julen Iparragirre; Kultura eta Kiroletan Jose Luis Kortabarria. Zerbitzuen arloan Mikel Larrañagarekin batera lan egingo dut, bera arduradun bezala; eta enpresa egitura bat antolatuko dugu. Osasuna, ingurugiroa eta mendien arloan Mari Jose Llamas arituko da".

4. EAJ (4 ordezkari), EH (3 ordezkari), EA (ordezkari bat) eta PSE (ordezkari bat). Hala ere, Jose Angelek beste banaketa hau du gustuko: EAJ (bost ordezkari), EH (lau ordezkari) eta PSE (ordezkari bat).



1. Jose Angel Zabalo
48 urte. Zabalo Iturgintzako kudeatzailea. Zinegotzia (1979-83).

2. J. Luis Kortabarria
60 urte. Kutxako langilea.



3. Julen Iparragirre
33 urte. Injineru tekniko industrialia. Elayko mantimendu arduraduna.

ZERRENDA OSATZEN:
- Mari Jose Llamas
- Iñigo Ramirez de Okariz
- Florentino Lamariano



4. Mikel Larrañaga
28 urte. Oñatiko parkeko suhiltzailea. Eibar taldeko futbolaria

- Basilio Ormazabal
- Felix Agirre



EH Mireia Unamuno

1. "Euskal Herritarrok herrian sortu zenean talde bat baino gehiago hasi ziren lanean eta horietako bat hauteskunde taldea izan zen. Lehen bi zerrenda ziren (HB eta ZUTIK) eta orain bakararra aurkeztuko dugu: EH".

2. "Aurrekontua onartuta egonik, ezin da gauza berri asko planteatu eta, agian, partidak bideratzerakoan aldatetak proposatu beharko dira. Hasita dagoen

etxebizitzaren proiektuarekin jarraitu behar da, baina etxebizitza zaharrei irtenbide bat eman behar zaie. Antzuolan etxe zahar asko dago hutsik. Bestalde, industri mailan dagoen arazoa ezin da ahaztu. Enpresak herritik alde egitea ezin da onartu. Garrantzi mailan, lehenengo ez badago ere, epe oso motzera sortuko den arazoa da lurzoru industrialarena. Onartutako aurrekontuetan ez da ezer aurreikusi industriarako eta hori dela eta, agian, partidak aldatu beharko dira. Aldundiarekin lan gehiago egin beharko

da aukera guztiak aztertzeko. Antzuola ezin da izan "lotarako herri" bat izan".

3. "Denok argi genuen zein zen egoera eta beteranoak tartekatu dira, jende gazteari bultzada emanaz. Esperientzia eta lanerako gogoia nahastu ditugu, herriaren alde lan egiteko".


4. EH (4 ordezkari), EAJ (4 ordezkari), PSE (ordezkari bat) edo, EH (4 ordezkari), EAJ (3 ordezkari), EA (ordezkari bat) eta PSE (ordezkari bat).



1. Mireia Unamuno
33 urte. Zuzenbidean lizentziatua. 4 urtez Kultura eta Ongizate zinegotzia.



2. Jon Kortabarria
27 urte. Mekanikari industrialia. Goizperko langilea azkenengo 5 urteetan.





3. J. Jose Azkarate
53 urte. Mayc-en lanean 27 urtez. Zinegotzia bi legealditan. Sindikalista (ESK).



4. Josune Irizar
28 urte. Ekonomian lizentziatua. Fagor-en lanean. Antzuolako AAB-ko kide.

ZERRENDA OSATZEN:
- Andoni Azkargorta
- Jose Antonio Igarza
- Aitor Aranguren
- Salvador Serrano
- Patxi Olabarria
- M. Eugenia Irazabal
- Mikel Mondragon
- Jose Luis Lizarralde



Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantimendua
- Lurrin instalazioak

- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espedituek bideratzen ditugu



GAILUR
taberna eta
gozotegia

Buztinzuri 13 ANTZUOLA
Tf. 943 78 70 32

PSE Juan Benitez

1. "Hamabi urte segidan urte asko dira eta garaia zen aldaketa egiteko, dena dela, aldaketa txiki bat dago oraingoan. Herriarengatik lan egin nahi dugun arren, orain arte behintzat ez digute laga. Zinegotzi bat lortu nahi dugu eta alkatetza lortzen duen alderdiak gurekiko jarrera irekia erakusten badu, lan egiteko prest gaude".

2. "Martxan dagoen etxebizitza proiektuari eutsiko diogu, hori baita oraingo udal gobernuak egindako lanetatik txalagarriena. Lurzoru industrialera ere bideratu beharra dago. Matz Errekak adibidez errepidearen ezkeraldera lekua dauka eta Goizper ere horretan ari da. Basalde, bestalde, toki ona den arren oso garestia da, eta indar gehiago egin behar da Eusko Jaurlaritzan. Elay da arazorik handiena duena eta plan orokorra onartu beharra izango da udal gobernu berriaren lanik astunena, errekaen azia bezala, liskar handiak daude eta familien artean".

3. "Gutxieneko zerrenda bat osatu dugu, batez ere dagoen egoera ikusita. Ez dugu inor derrigortu nahi izan. Ez da erraza izaten gure kasuan zerrenda osatzea".

4. EH (4 ordezkari), EAJ (3 ordezkari), EA (ordezkari bat), PSE (ordezkari bat).

EA Jose Ignazio Madariaga

1. "Hasiera batean EA bezala aurkezteko asmorik ez genuen, baina arazoak egon ziren. EAJk alderdiaren izaera galdu du aurkeztu duen zerrendarekin eta guk hori ezin genuen onartu. Don't legearen arabera hirugarren zerrenda EAKo kidea izan behar da eta akordiorik ez da egon, nahiz eta penagarria izan".

2. "Horrenbeste lanpostu sortu diren herri batean biztanle kopurua jeistea

**1. Juan Benitez**

42 urte. Igeltseroa. 11 urtez zinegotzia.

**2. Paco Morcillo**

47 urte. Elayko metalurgi lana 23 urtez. 12 urte segidan zinegotzi.

ZERRENDA OSATZEN:

- Benancio Tena
- Isabel Ortiz
- Claudio Cabrera
- Julia del Rio
- Guillermo Pozo

3. Manuel Castaño

46 urte. Garraiolaria. PSEko zerrendagai urte askoan.

onartezina da. Azkenengo urte honetan etxebizitzak bultzatzeko proiektu bat egon den arren aurretik ez da ezer egin. Hori dela eta, guk etxebizitza proiektuak bultzatuko ditugu. Horrez gain, lurzoru industrialera aurkitu beharra dago eta horretarako lurra berrordenatu behar da, industria eta etxebizitzak bereiztuta egon daitezten. Ongizate arloan ere lan egin beharra dago eta bide batez base-riaren alde lan egin behar dela uste dugu. Langabezia saihesteko Udalak enpresekin lan egin beharko luke, ahal

den neurrian, ikasteko gai ez denak ere lanean hasteko aukera izan dezan herrian".

3. "Ez digu lanik eman zerrenda osatzeko, nahiz eta hasiera batean zerrenda bakarra aurkezteko prest geunden. Eskatu genuen bakarra hirugarrena eta seigarrena EAKo kidea izatea izan zen, baina ez zen onartu".

4. EH (4 ordezkari), EAJ (3 ordezkari), EA (ordezkari bat) eta PSE (ordezkari bat). ■

**1. J. Ignazio Madariaga**

42 urte. Elayn lanean 27 urtez eta ordezkari sindikala (ELA).

2. Pedro Madariaga

56 urte. Baserritarra.

**3. Dina Mujika**

36 urte. Dendaria 10 urtez. Azkenengo hauteskundeetan ere EAKo zerrendagai

ZERRENDA OSATZEN:

- Judit Iparragirre
- Isidro Zabaleta

**4. Gurutz Madariaga**

40 urte. Elayko langilea 25 urtez eta ordezkari sindikala (ELA). AKE-ko juntakide 21 urtez.

- Ildefonso Garcia
- Angel Mari Del Teso
- Julian Azkargorta

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

**GOROSTI
Taberna**

☎ 943 76 62 96
Zurrategi plaza ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriadako pinturak •
- Paper margotzak •
- Moketak eta tapizatuak •

LARREA**TABERNA**

Kalebarren 17
ANTZUOLA

JAIETAKO LEHIAKETA

Antzuolako jaietarako egitarauaren azala egiteko lehiaketa antolatu du Udalak.

Parte hartzaileek ekainaren 14a arte dute lanak aurkezteko astia eta bide batez 30.000 PTA irabazteko aukera. Lanak udaletxean aurkeztu beharko dira, sobre itxi batean eta behar bezala adierazita egilearen datu pertsonalak.

Iaz Visi Rodrigezek irabazi zuen eta berea izan zen programak eraman zuen azala. Mairuaren alardea abiapuntutzat harturik akuarelaren teknika erabili zuen antzuolar honek.

SASKIGINTZA ERAKUSGAI

Asteburu honetan saskigintzari buruzko erakusketa egongo da ikusgai Udaletxeko areto nagusian. Eguakitz iluntzean irekiko da eta zapatu eta domekan egongo da zabalik. Bi egun horietan ordutegia honako hau izango da: eguerdiko 12:00etatik 14:00etara eta arratsaldeko 19:00etatik 20:30etara egongo da zabalik.

MENDIZ MENDI

Mendi Federakundeak 75 urte bete ditu aurten eta hori ospatzeko ibilaldi bereziak antolatu ditu. Izan ere, bost makila ari dira mendirik mendiri, mendizale elkarten artean banatzen.

Joan den domekan Nafarroako Ori mendian jaso zuten Arrolakoek Mendi Ferakundearen 75. urteurrena dela eta mendi mendi dabilen makiletako bat eta hilaren 15ean Eibarko mendi taldeari emango diote Txindoki gainean maiatzaren 23an Elgetan egitekoa den ospakizunean beste lau makilekin elkartzeko. Hori dela eta irteera antolatu du Arrolak maiatzaren 23rako. Irteera goizeko 09:00etan izango da eta izen ematea, berriz, maiatzaren 17an, Arrolaren egoitzan.

PALA TXAPELKETA

Datorren zapatuan, maiatzak 22, jokatuko dira herriko pala txapelketaren finalak.



Iazko San Isidrotan jende ugari hurbildu zen feriarra.

San Isidroak zapatuan

Baserritarren eguna ospatu da zapatuan, maiatzaren 15ean. Antzuolan, ez da gaur goizekoa egun hori ospatzeko ohitura. Horren adibide Udaletxean aurkitu dugun hurrengo "abisua". Adi adi irakurri, merezi du eta. Hirurogeita hamabosna pezeta, 1905. urtean diru asko zen eta honelako apustuek arrakasta handia izaten zuten. Aurtengo San Isidrotan ez da aizkora apusturik egongo, baina nahi duenak, izango du talde baten edo bestearen alde egiteko aukera egingo den sokatira saioan. Hori 17:00etan izango da. Aurretik, goizean, feria egongo da ikusgai, ganadu eta euskal produktuen feria. Iaz bezala, Olaran etxe osteko zelaian egongo da ganadua eta produktuen salmenta. Iparraldetik ekarritakoak ere erosi ahal izango dira Antzuolakoekin batera. Feria goizeko 10etan hasiko da eta eguerdiko ordubiak arte egongo da zabalik. Tartean, gainera, Kukumarro lehiaketako sariak banatuko dira.

ABISU BAT

San Isidroren egunean, ill onen amabostian Anzuolako erri onetan jokatu da goiceko amaiketan aizkora apusta bat Florentino Bastarrika Vergarakua eta Marcelino Aranguren Villarreal de Urrechukuaren artian, ceñek lenago ebaqui seiña tronku amabost onza lodikuak.

Apustatuzten dute iruroguei ta amabosna peseta.

Nai duenak ikusi ezdanka ecer pagatubearrik.

Anzuolan Mayatzaren 7 eta 1905 urtean.

Cemisia.

Arratsaldean, berriz, aipatutako sokatira saioa eta ondoren, sei eta erdie-tan, erromeria hasiko da herriko plazan, Gezalaga anai-arrebekin.

Ondo pasa!

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kuxilatua eta barnizaketa •

EGAÑA

Era gutzietako arotz lanak

Tarima eta parketa jartzea
Zoruen kuxilatua eta barnizatuak

Kalegoi 21, ANTZUOLA Tf.: 943 76 64 23

igok eta Txomin

Pintura orokorrean.
Paper, tela, binilo, kortxo... estaldurak.
Gotelesa, iztukuak eta
bestelako imitazioak.

ANTZUOLA BERGARA
☎ 943 76 60 39 ☎ 943 76 19 98